

proprio. Nota κατ' ἐξαιρέτην: Quæ quidem inhabitatio Deitatis in Christo adeò singularis est, ut toto genere distet ab alia quavis communi inhabitatione, qua Deus dicitur habitare in sanctis. Rectè
Athanasius. *Athanas. Orat. 4. contra Arrianos p. 244. Corporaliter habitat divinitas in carne, quæ verba idem valent, ac si dicas, cum Deus esset, proprium quoddam corpus cepit, eoque, utens ut organo, homo factus est propter nos, ideò & ea opera, quæ sunt propria verbi, utpote mortuos excitare, cæcis visum restituere, hæmorrhoidam sanare, omninò & corporis ministerio peragebantur, illa opera in carne fiebant, quia caro illa erat corpus Dei. Nisi enim opera Deitatis verbi per corpus patrata fuissent, nunquam homo Deificatus esset. Ecce habitaculum Deitatis est caro Christi, quam Deificat, & per quam efficax est in divinis operibus. Sic etiam*
Cyrillus. *Cyrillus lib. 10. thesauri c. 7. Paulatim natura nostræ manifestabatur sic, ut instrumentum esset Deitatis, quæ habitavit in ipsâ. Similiter Augustinus in Epist. 57. ad Dardan. col. 284. explicat, quomodo plenitudo Deitatis habitat in Christo verè & realiter, non umbratilitèr, & quidem tanquam in suo proprio templo. Non ideò, inquit, corporaliter, quia corporeus est Deus, sed aut verbis translatis usus est, tanquam in templo manu factò non corporaliter, sed umbratilitèr habitaverit, id est, præfigurantibus signis: nam illas omnes observationes umbras futurorum vocat, etiam ipso translato vocabulo: Summus enim Deus, sicut scriptum est, non in manu factis templis habitat: aut certè corporaliter dictum est, quia & in Christi corpore, quod assumpsit ex virgine, tanquam in templo habitat Deus.*

THESIS XI.

3. *Ab ἁποστασῶς communionem, quam ita communem habent naturæ unitæ, ut unum ὑψίστουον constituent, ideòq; caro divinæ naturæ particeps fiat. Damascenus in Orat. 1. de Imagin. hæc de re sic docet: Incarnati filij anima divinæ naturæ secundum ἁποστασῶν κοινωvὸς ἐγένετο, particeps facta est. Item: Creator se dimisit, ut naturam meam cohonestaret, & divinæ naturæ κοινωvὸν faceret. Basiliius de Incarnatione verbi, Humana Domini caro ipsa particeps facta est Deitatis ut supra quoq; notavimus. Notanter ait particeps Deitatis, non donorum creatorum, ut Zanchius lib. 2. de Incarnatione dictum illud Basilij pervertere conatur.*

THESIS: